

DISGRIFIADAU LEFEL CYMRAEG



Llywodraeth Cymru
Welsh Government

CYMRAEG

Dysgu
Learn

Disgrifiadau o allu yn y Gymraeg ar gyfer pob sgìl a lefel

Mae'r disgrifiadau hyn yn rhoi arwydd o lefel unigolyn yn y Gymraeg ar gyfer pob sgìl iaith (Siarad, Gwranddo, Darllen ac Ysgrifennu).

Maent wedi eu mapio yn erbyn fframweithiau cenedlaethol a rhyngwladol adnabyddus, sef: Fframwaith Cymwysterau Cenedlaethol Cymru; Fframwaith Cymwysterau Cymraeg i Oedolion; Fframwaith Cyfeirio Cyffredin Ewrop; a lefelau ALTE (Cymdeithas i Brofwyr Ieithoedd yn Ewrop); trwy ddefnyddio datganiadau 'Yn gallu'.

Sgîl Iaith: Siarad

Yn dilyn cwblhau'r lefel, bydd yn gallu:

Mynediad

Defnyddio mynegiadau pob dydd cyfarwydd, e.e. cyfarchion, diolch.

Ynganu enwau lleoedd ac enwau pobl.

Siarad am bethau personol iawn mewn sefyllfa anffurfiol, e.e. diddordebau, teulu, gwaith, beth wnaethoch chi ddoe.

Siarad am bynciau syml, e.e. y tywydd, amser, prisiau.

Sylfaen

Cynnal sgwrs syml â rhywun arall am bynciau pob dydd cyffredin, os yw'r siaradwr arall yn helpu.

Gofyn ac ateb cwestiynau am bynciau cyfarwydd, e.e. gwaith, diddordebau, hoffterau, pethau sydd wedi digwydd neu gynlluniau yn y dyfodol.

Canolradd

Cynnal sgwrs estynedig â siaradwr rhugl am bwnc cyfarwydd, e.e. diddordebau neu'r gwaith.

Mynegi barn a chyfnewid gwybodaeth am ystod o bynciau sy'n ymwneud â bywyd pob dydd, e.e. diddordebau, teithio, neu bynciau sy'n ymwneud yn uniongyrchol â'r gwaith.

Uwch

Siarad yn hyderus â siaradwyr rhugl am bynciau cyfarwydd sy'n ymwneud â bywyd pob dydd neu waith.

Mynegi barn, cymryd rhan mewn sgwrs, a siarad yn helaeth am bynciau cyffredin, e.e. mewn cyfarfod, neu mewn sefyllfa un-i-un.

Hyfedredd

Eich mynegi eich hun yn llawn ac yn fanwl, hyd yn oed wrth drafod materion cymhleth.

Addasu arddull eich iaith yn ôl y gynulleidfa, e.e. wrth siarad mewn cyd-destun ffurfiol neu wrth siarad â chydweithwyr.

Siarad yn helaeth am fater cymhleth, cyflwyno dadleuon, ac arwain y drafodaeth.

Sgîl Iaith: Gwranddo

Yn dilyn cwblhau'r lefel, bydd yn gallu:

Mynediad

Deall mynegiadau pob dydd, ac ymadroddion syml iawn os yw'r siaradwr yn siarad yn araf.

Deall sgysiau am wybodaeth bersonol syml, e.e. ble mae rhywun yn byw, gweithio, beth maen nhw'n hoffi ei wneud, beth wnaethon nhw.

Dyfalw beth fydd rhywun yn ei ddweud pan fyddan nhw'n rhoi gwybodaeth am ddigwyddiadau, fel amser a lleoliad.

Sylfaen

Deall pan fydd pobl yn siarad am sefyllfaoedd pob dydd, e.e. gwybodaeth bersonol, gwaith, beth maen nhw wedi ei wneud neu beth fasen nhw'n ei wneud, cyhyd â'u bod yn siarad yn araf.

Deall pan fydd pobl yn gofyn i chi neu rywun arall wneud rhywbeth, a phan fyddan nhw'n gofyn am gynlluniau yn y dyfodol, e.e. am gyfarfod.

Canolradd

Deall gwybodaeth sy'n cael ei rhoi am bynciau pob dydd, neu pan fydd pethau'n ymwneud â'r gwaith yn cael eu trafod, e.e. mewn sgwrs, neu mewn cyfarfod grŵp bach.

Deall y brif neges a'r manylion, os yw'r bobl yn siarad yn glir, e.e. wrth glywed hysbysiadau neu wrth wrando ar fwletin newyddion.

Uwch

Dilyn y rhan fwyaf o sgysiau a thrafodaethau, hyd yn oed am bynciau sy'n anghyfarwydd i chi.

Deall y rhan fwyaf o raglenni teledu a radio ar gyfer siaradwyr iaith gyntaf, oni bai eu bod yn siarad ag acen gref, anghyfarwydd.

Hyfedredd

Dilyn pob sgwrs a thrafodaeth rhwng eraill, ar bob math o bynciau.

Deall pob math o Gymraeg llafar, gan gynnwys darlithiau neu drafodaethau cymhleth.

Sgîl Iaith: Darllen

Yn dilyn cwblhau'r lefel, bydd yn gallu:

Mynediad

Deall brawddegau byr iawn, ac yn gallu dyfalu beth mae rhai hysbysiadau yn ei feddwl.
Deall testunau byr lle mae pobl yn rhoi gwybodaeth syml amdanynt eu hunain neu eraill.
Cael hyd i fanylion fel arfer, fel amserau a phrisiau, mewn hysbysebion neu hysbysiadau.

Sylfaen

Deall negeseuon am bethau bob dydd, a rhai llythyron neu negeseuon e-bost syml iawn, e.e. yn gofyn am rywbeth, neu'n gofyn i basio neges ymlaen.
Deall testunau byr neu lyfrau syml iawn, e.e. llyfrau i blant.

Canolradd

Deall erthyglau syml uniongyrchol am bynciau o ddiddordeb pob dydd, neu'n ymwneud â'r gwaith.
Dyfalu beth mae gair yn ei feddwl o'r cyd-destun, pan fydd y pwnc yn gyfarwydd.
Deall y rhan fwyaf o negeseuon e-bost a dogfennau sy'n ymwneud â gwaith.

Uwch

Deall y rhan fwyaf o ohebiaeth, a sganio trwy destunau hir i gael hyd i fanylion.
Deall y rhan fwyaf o erthyglau papur newydd ac adroddiadau sydd wedi'u bwriadu ar gyfer siaradwyr iaith gyntaf, gyda chymorth geiriadur.
Deall nofelau a thestunau eraill, oni bai eu bod wedi eu hysgrifennu mewn arddull ffurfiol neu lafar iawn.

Hyfedredd

Darllen a deall bron pob testun ysgrifenedig yn hawdd, gan droi weithiau at eiriadur.
Darllen testunau hir, e.e. adroddiadau, erthyglau, i gael hyd i fanylion perthnasol a deall bron pob math o ysgrifennu, e.e. ffurfiol neu anffurfiol.

Sgîl Iaith: Ysgrifennu

Yn dilyn cwblhau'r lefel, bydd yn gallu:

Mynediad

Ysgrifennu ymadroddion neu frawddegau syml amdanoch chi eich hunan neu eraill.
Trosglwyddo negeseuon syml neu wneud cais syml, e.e. trwy e-bost.

Sylfaen

Ysgrifennu nodyn byr at ffrind neu gydweithiwr yn gofyn am rywbeth, yn diolch iddynt neu egluro rhywbeth, e.e. absenoldeb o'r gwaith.
Ysgrifennu testun byr am bwnc cyfarwydd, e.e. profiad personol, neu brofiad sy'n ymwneud â'r gwaith.

Canolradd

Ysgrifennu llythyr am y rhan fwyaf o bynciau, gofyn am bethau, rhoi esboniadau, disgrifio profiadau, gwahodd pobl, neu drefnu digwyddiadau.
Ysgrifennu'n eithaf cywir am y rhan fwyaf o bynciau, e.e. sy'n ymwneud â diddordebau neu'r gwaith.

Uwch

Ysgrifennu erthygl, adolygiad neu adroddiad byr am amrywiaeth o bynciau cyffredinol eu natur, neu sy'n ymwneud â'r gwaith.
Ysgrifennu testunau manwl sydd wedi ei strwythuro'n dda, sy'n briodol i'r darllenydd.
Ymateb yn gywir i'r rhan fwyaf o ohebiaeth gan gydweithwyr neu gysylltiadau allanol.

Hyfedredd

Ysgrifennu testunau, adroddiadau, erthyglau, cofnodion neu fathau eraill o destun estynedig mewn arddull sy'n briodol i'r darllenydd.
Ysgrifennu mewn Cymraeg ffurfiol neu anffurfiol fel y bo'r angen.
Ysgrifennu'n gywir iawn am ystod helaeth o bynciau.



Llywodraeth Cymru
Welsh Government

CYMRAEG

Dysgu
Learn